



Publicaziuns officialas dils 28-06-2019

Damondas da baghegiar

Nr. 67/2019

Datum da publicaziun: 28-06-2019

Patrun: Bearth Sandra e Fabian, 7172 Rabius

Liug e parcelas: La Gassa; 4759

Object: installar in indrez solar e colurar la fassada

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 28-06-2019

Cumissiun da baghegiar

Invitaziun alla sera dallas portas aviartas

Project „habitar@giuven“

Cun la fin zerclaudur 2019 vegnan la lavurs dil project habitar@giuven terminadas. Bugen envida la suprastonza communal convischins e convischinas dalla vischnaunca Sumvitg alla sera dallas portas aviartas, che ha liug, venderdis ils 28-06-2019 naven dallas 19.00 uras.

Allas 20.00 uras vegn igl architect Patrick Rothmund dil biro spacial design a presentar las ideas ed il concept dil project habitar@giuven. La suprastonza communal selegra sin Vossa viseta.

Sumvitg, 28-06-2019

Suprastonza communal Sumvitg

Protocol dalla radunonza communal dils 11-06-2019

Naven dils 28-06-2019 ei il protocol dalla radunonza communal dils 11-06-2019 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Il cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront quei temps d'exposiziun tier la suprastonza communal.

Sumvitg, 28-06-2019

Administraziun communal

Inauguraziun punt pendentia dalla Greina

Igl onn 2018 han las vischnauncas da Sumvitg e Lumnezia ensemen cun la Secziun Pez Terri dil Club Alpin Svizzer (CAS) saviu realisar la punt pendentia sin la Greina. L'inauguraziun dalla punt ha liug la **sonda, ils 6 da fenadur 2019 naven dallas 11.30** sper la punt dalla Greina. Tuts interessai ein cordialmein beinvegni.

En cass d'aura malsegira vegn publicau silla pagina d'internet dalla vischnaunca Sumvitg (www.sumvitg.ch) sche la fiasta ha liug.

Sumvitg, 28-06-2019

Suprastonza communal

Apparat d'udida

Gliendisdis, ils 1 da fenadur 2019 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Cumpadials

Offene Demeter-Gartentüre «SperUolm», bei Ingrid Ritter. Immer mittwochs (bis 9. Oktober), bei jeder Witterung, von 10–14 Uhr oder auf Anfrage!

Mehr Infos unter 079 645 03 48.

Uniun gimnastica da dunnas Rabius

Per in e scadin

Rabius: Ir cun festa. **Mintga gliendisdis** (tochen fin d'uost) allas 19.15 avon la «Greina» a Rabius. Has ti gust? Neu! Nus selegrein da veser tei.

Las activas